

1 França es una República indivisibla, laïca, democràtica e sociala.
Asssegura l'egalitat davant la llei de totes los ciutadans, sus tota l'espandida del seu territori.
Respecta totes las creences.

2 La República laïca organiza la desseparació de las religions e de l'Estat. L'Estat es neutre al respecte de las conviccions religiosas o espiritualas. Non i a cap de religion d'Estat.

••• LA REPUBLICA ES LAÏCA •••

3 La laicitat garentís la libertat de consciència a totes. Cadun es liure de creire o de creire pas. La laicitat permet l'expressió liura de las conviccions pròpies, dins lo respecte de las d'autrú e dins los límits de l'ordre public.

4 La laicitat permet l'exercici de la ciutadanet, en apartant la libertat de cadun amb l'egalitat e la fraternitat de totes dins la recerca de l'interès general.

5 La Republica assegura dins los establiments escolars lo respecte de cadun d'aquestes principis.

CARTA DE LA LAÏCITAT A L'ESCÒLA

La Nacion fisa a l'Escòla la missió de far partear als escolans las valors de la Republica.

6 La laicitat de l'Escòla ofris als escolans las condicions per fargar lor personalitat, exercir lor liure arbitri e far l'apprendissatge de la ciutadanet. Los apara de tot proselitisme e de tota pression que los empacharián de causir de lor sicap.

7 La laicitat assegura als escolans l'accés a una cultura comuna e partejada.

8 La laicitat permet l'exercici de la libertat d'expression dels escolans dins lo límit del bon funcionament de l'Escòla e mai del respecte de las valors republicanas e del pluralisme de las conviccions .

9 La laicitat implica lo reget de totes las violéncias e de totes las discriminacions, garentís l'egalitat entre las dròllas e los dròlles e s'apèva sus una cultura del respecte e de la compreneson de l'autre.

10 Reven a totes los personals de transmetre als escolans lo sens e la valor de la laicitat, tanplan coma dels autres principis fondamentals de la Republica. Velhan a lor aplicacion dins l'encastre escolar. Lor reven de far coneixir aquesta carta als parents d'escolans.

11 Los personals an un dever de neutralitat estricta : non devon pas manifestar lors conviccions politicas o religiosas dins l'exercici de lors foncions.

••• L'ESCÒLA ES LAÏCA •••

12 Los ensengements son laïcs. Per tal de garentir als escolans l'obertura mai objectiva que se pòsca a la diversitat de las visions del mond e mai a l'espandida e a la precision dels sabers, non s'exclutz a priori cap de subjècte del questionament scientific e pedagogic. Cap d'escolan non pòt invocar una conviccion religiosa o política per contestar a un ensenhaire lo dreit de tractar una question del programa.

13 Degun non se pòt prevaler de son apertenéncia religiosa per refusar de seguir las règla aplicadoiras dins l'Escòla de la Republica.

14 Dins los establiments escolars publics, las règla de vida dels diferents espacis, precisadas dins lo règlement interior, son respectuosas de la laicitat. Lo pòrt de senhals o tengudas per manifestar a la vista de totes una apertenéncia religiosa, es defendut.

15 Amb lors soscadissas e lors activitats, los escolans contribuisson a far viure la laicitat al sen de lor establiment.